


唐詩解

卅五之七



漢書門			
三	八	一	〇
一	四	〇	
二	〇		
冊	架	函	號

內閣文庫			
三	八	一	〇
九	〇	〇	
〇	〇	〇	
冊	冊	號	類


內閣文庫	
番號	漢 3810
冊數	20(16)
函號	319 122



唐詩解卷之三十五

淺草堂

華亭唐汝詢仲言父選釋



武林

馮翱

羽臯甫

尺校

陳枚

簡侯甫

五言律詩

孟浩然


臨洞庭

洞庭湖在岳州府巴陵縣西與荆江合

八月湖水平涵虛混太清氣蒸雲夢澤波撼

胡感切

岳陽城欲濟無舟楫端居耻聖明坐觀垂釣者徒



有美魚情

吳都賦迴躍靈於太清注太清謂天也
參同契山澤氣蒸周禮正南曰荊州其

澤藪曰雲夢爾雅宋有孟諸楚有雲夢劉鄧之荊
州記華容縣東南有雲夢澤一名巴丘湖荆之藪

也一統志雲夢澤在德安府安陸縣南五十里說
文撼搖也地理志岳州在岳之陽故曰岳陽有君

山洞庭之勝岳陽風土記孟浩然洞庭詩有波撼
岳陽城蓋城據湖東北湖面百里常多西南風夏

秋水漲濤聲喧如萬鼓晝夜不息書若濟巨川用
汝作舟楫詩善心詩端居留眷想論語邦有道貧

且賤焉耻也馮融忠經君德聖明忠臣以榮劉導
詩垂釣蓮葉東漢書董仲舒傳古人有言曰臨淵

羨魚不如
退而結網

此臨湖而興求仕之思復量其才而不欲進也
秋高水溢九江合流洞庭濤勢之壯如此因言

欲濟而無舟楫以興欲仕而無其才是以端居

而愧此明時也見釣者之得魚不無欣慕意然

結網未遑則亦徒然興羨耳蓋襄陽本不欲仕

乃臨湖而有此嘆豈抱道之情猶未能戰勝耶

與諸子登峴山

寰宇記峴山在襄陽
府漢上去城七里

人事有代謝往來成古今江山留勝迹我輩復登

臨水落魚梁淺天寒夢澤深羊公碑尚在讀罷淚

沾襟

于寶晉武帝革命論帝王之興必俟天命苟
有代謝非人事也郭璞江賦擯落江山梁王

同詩美景多勝迹元行恭詩樽酒慰登臨陳後主
詩沙長見水落毛萇詩傳魚梁所以捕魚古樂府

海水知天寒夢澤見上詩註晉書羊祜傳祜樂山
水每風景必造峴山置酒言詠終日不倦嘗顧謂
從事中郎鄒湛等曰自有宇宙便有此山由來賢
達勝士登此遠望如我與卿者多矣皆湮滅無聞
使人悲傷如百歲後有知魂魄猶應登此也湛曰
公德冠四海道嗣前哲令聞令望必與此山俱傳
祜卒襄陽百姓於峴山建碑望其碑者莫不流涕
杜預因名爲墮淚碑張衡詩側身南望涕霑襟

止登覽而發弔古之思也言因人事代謝而成
古今非江山有所變易也故勝迹猶在我輩復
登臨焉然魚梁夢澤之景同一蕭條惟讀羊公
之碑而揮淚耳水落梁空故曰淺天寒澤竭故
云深淺以水言深以地言也

晚春

二月湖水清家家春鳥鳴林花掃更落徑草踏還
生酒伴來相命開樽共解醒當杯已入手歌妓莫

停聲

解嘲家家自以爲稷卨周禮中春羅春鳥子
夜歌春鳥意多哀徐悱詩落花掃更合叢蘭

摘復生晉書劉伶嘗渴甚求酒於其妻妻涕泣諫
曰君酒太過非攝生之道必宜斷之伶曰善吾不
能自禁惟當視鬼神自誓耳便可具酒肉妻從之
伶跪祝曰天生劉伶以酒爲名一飲一斛五斗解
醒婦兒之言慎不可聽仍引酒御肉鬼然後
醉詩傳酒病日醒鮑照詩歌妓舞女今誰在

水清鳥嘯草長花飛仲春之景麗矣酒有伴妓
善歌飲中之勝事也頷聯有生氣尾聯見豪舉

日解醒便有一醉累月意讀此篇孟之風韻可想

題義公禪房

義公習禪寂結宇依空林戶外一峰秀堦前衆壑深夕陽連雨足空翠落庭陰看取蓮花淨方知不染心維摩詰經一心禪寂攝諸亂惡張協詩結宇窮岡曲謝靈運詩卧病對空林梁元帝詩曉霧晦階前劉琨詩夕陽忽西流張勗詩雨足酒四浪陳後主詩歇霧含空翠劉琰詩以榻坐庭陰法華經是菩薩日如廣大青蓮花葉此美義公之安禪也養靜非幽口不可結宇空

林而巖壑特勝見其能禪寂也夕暝帶雨空翠滿庭時景亦是清絕若不染之心則于蓮花見之

題融公蘭若

釋氏要覽梵言阿蘭若唐言無淨也按蘭若即僧寺

精舍買金疑當作山開流泉遶砌迴芰荷薰講席松栢

映香臺法雨晴飛去天花晝下來談玄殊未已歸

騎夕陽催

釋迦譜息心所棲曰精舍精練行者之所居晉武帝初奉佛法立精舍於內殿

引沙門居之牟子佛國有五精舍一給孤園二靈鷲山三獼猴江四菴羅樹五竹林園詩觀其流泉梁元帝詩遶砌縈流水楚辭製芰荷以為衣注芰菱也荷蓮葉也詩如松栢之茂注華經大法螺普

與大法雨度無量衆生我等咸歸請當演深遠音
 又諸饑渴衆生以法雨充滿梁昭明詩以茲惠日
 照復見法雨垂維摩經時維摩詰室有一天女見
 諸天人所說法便見其身即以天花散諸菩薩大
 弟子上花至諸菩薩即皆墮落至大弟子便著不
 墮天女曰是花無所分別仁者自生分別想爾結
 習未盡故花著身結習盡者花不著身庾肩吾詩
 談玄止谷神梁簡文詩歸騎息金隍詩度其夕陽
 爾雅山西日夕陽注暮乃見日

此言融公買山以開精舍而激泉遶之是以席

薰芰荷臺映松栢蘭若勝矣若其法之通靈則

又能驅使雲雨坐致天花故我與之談道不覺

晷刻之移耳時適初晴故雨不言降而言去

襄按

陽參禪諸作都用支遁事下篇可証則此作買
 山無疑一云給孤長者為佛布金故言買金以
 開精舍義頗牽合且有山斯有泉芰荷因木而
 生松栢因山而茂四語止如貫珠若以布金解
 之便是富貴氣象與下文不合

宿立公房

支遁初求道深公笑買山如何石岩趣自入三庭

間苔澗春泉滿蘿軒夜月閒能令許玄度吟卧不

知還高逸沙門傳支遁字道林本姓關氏少而任

形入道梁李鏡遠詩求道志新堅世說支遁就深

公買印山深公曰未聞巢父買山而隱楚辭倚石

巖以流涕易不出戶庭庾信詩白石春泉滿鮑照

詩攀蘿席中軒梁武帝詩懷情入夜月續晉陽秋

萬笈堂

許詢字玄度高陽人風情簡素與法門支遁相善

此見立公能擇自然之福地也言支遁欲買山未免為深公所笑今奈何石岩之趣自入君之戶庭况春泉滿溪夜月當戶自能使我吟卧而忘歸之地也支許素相難法故唐人每以遁喻僧以詢自况云

宴梅道士房

林臥愁春盡寒闌覽物華忽逢青鳥使邀入赤松家金竈初開火仙桃正發花童顏若可駐何惜醉

流霞

山海經蛇巫之山有三青鳥為西王母取食列仙傳赤松子神農時雨師也服水玉教神

農能入火不燒常居西王母石室中江淹詩金竈鍊神丹庾肩吾詩仙桃秋轉紅抱朴子春澤榮物不能使枯卉發華張華詩羸女羞童顏皇甫謐安期生贊朱顏常駐論衡河東項曼都好道學仙去二年而返家問其狀都曰欲飲食仙人輒飲我以流霞一杯數日不饑陳子良詩流霞席上滿

此因道士邀飲而賦其事言我臥病于林憂春將盡故開帳以覽時物適道士之使相邀遂與俱至其家而灶火新開桃花始發深足玩矣人言流霞能駐顏色若然我又安能惜醉乎唐時禁火寒食後始舉爨初開義本此



尋天台山

一統志天台山在浙江天台縣道書是山上應台星超然秀出

高一萬八千丈

吾愛大子食霞臥赤城欲尋華頂去不憚惡溪

名歇馬憑雲宿揚帆截海行高高翠微裏遙見石

梁橫

史記孝武紀天神貴者泰一漢書郊祀志注泰一者天地未分混沌之元炁三輔黃圖劉

向校書天祿閣夜有老人叩閣而進授向五行洪範之文請問姓名云我是太乙之精疑泰一即太

乙古文通用耳顏延之詩中散不偶世本自餐霞人支遁天台山銘序往天台當遊赤城山為道徑

一統志華頂天台山縣東北六十里周迴百餘里高萬丈絕

有惡溪多因刺史段成式有善政水怪潛民謂之妖統志好溪在處州府城東五里

舊名惡江謝靈運書出惡江至大溪水清如鏡靈運詩揚帆採石華漢高帝歌羽翼既就橫截四

海詩無日高高在上爾雅山未及上曰翠微一統志天台山有石橋廣不盈尺長數十丈下臨絕澗

惟忘其身然後能濟

天台本仙人所居故未至即想太乙食霞之處

然欲尋華頂必經惡溪終不憚其名而止也其

路多阻或登山或從水登山則歇馬憑雲從水

則揚帆截海至是始見石梁之橫焉山水之思

摸寫殆盡

武陵泛舟

唐書地理志朗州武陵郡屬山南道今武陵縣屬湖廣常德府

〔一統志〕武陵溪在常德府城西三十里源出武山入沅水

武陵川路狹前棹入花林莫測幽源裏品彙作路仙家

信幾深水迴青嶂合雲度綠溪陰坐聽閑猿嘯彌

清塵外心武陵見七卷王維詩註詳陰鏗詩川路恨成逢〔梁武帝詩朝日照花林干洲記〕

瀛洲上多仙家沈約詩峻嶒起青嶂爾雅山正嶂度信詩雲度茲歌響莊子聖人游乎塵垢之外

此美武陵之幽言雖泛舟于此終難測其深源

不可窮也獨水溢雲陰閑猿吟嘯自足清我塵

一外之心耳

歸終南山〔一統志〕終南山在陝西西安府城南五十里一名南山

北闕休上書南山歸弊廬不才明主棄

踈白髮催人老青陽逼歲除永懷愁不寐松月夜

牕虛〔漢書高帝紀〕蕭何治未央宮立東闕北闕師古曰未央殿雖南嚮而上書奏事詔見之徒

皆詣北闕班固詠史詩上書詣北闕禮記祀梁妻日君之臣免於罪則有先人之敝廬在〔左傳〕昔帝

鴻氏有不才子史記蘇秦曰臣聞明主絕疑去讒又留侯傳留侯性多病又陳平傳樊噲帝之故人

也〔謝靈運詩〕星星白髮垂楚辭惜余年老而日衰爾雅春為青陽詩蟋蟀在堂歲聿其莫今我不樂

日月其除詩維以不永懷甄皇后塘上行夜夜愁不寐梁簡文詩想見夜窓開

此不獨於時甘棲逸也襄陽之隱鹿門久矣其

遊京師蓋有上書北闕意既而所如不合則絕



仕進之心而歸終南因極陳失意狀且言窮老無聞歲月將盡感時興懷至不能安寢其無聊

極矣然窓間松月終有出塵之意在

按本傳浩然見玄宗

誦此詩帝不悅因放還或問襄陽欲求仕獨無他詩示帝而以此激之耶子曰非也襄陽原非簪紱中人其涉朱門不過附青雲以成名耳且帝素聞其名而未嘗召假令一見而官之良非襄陽所樂也又聞襄陽既不求仕曷為至京師曰襄陽嘗應舉矣不第而歸終南非不求仕也曰襄陽始棲鹿門今居終南者得無以此為仕宦之捷徑乎曰襄陽非巧於求仕者其居終南蓋欲藉有丞輩遊揚其名牀下之懸是也况此詩作於下第後故有不才見棄之語玄宗不能歸罪選舉而以襄陽為誣已淺矣宜孟之決於隱也

尋張五迴夜園作

聞就龐公隱移居近洞湖興來林是竹歸卧谷名

愚挂席樵風便開軒琴月孤歲寒何用賞霜落故

園蕪

高士傳龐公者南郡襄陽人也居峴山之南未嘗入城府荆州刺史劉表延請不能屈後

遂携其妻子登鹿門山因采藥不反晉書嵇康傳康與阮籍等為竹林之遊世所謂竹林七賢也說苑齊桓公出獵逐鹿而走入山谷之中見一老公而問之曰是為何谷對曰為愚公之谷桓公曰何故對曰以臣名之臣故畜犉牛生子而大賣之而買駒少年曰牛不能生馬遂持駒去傍隣聞之以臣為愚故名此谷為愚公之谷謝靈運詩挂席拾海月孔靈符會稽記謝的山南有白鶴山此鶴為仙人取箭漢太尉鄭弘嘗採薪得一遺箭填有人覓弘還之問何所欲弘識其神人也曰嘗患若邪

溪載薪為難願旦南風暮北風後果然故若邪溪風至今猶然呼為鄭公風謝瞻詩開軒滅華燭陶潛辭田園將燕何不歸

此因經張五隱居歸嘆已園之寥落也張之移居孟未嘗往今聞其歸隱而訪之至則見竹林山谷宛然叔夜愚公之舊也于是乘風便而挂席以歸則軒中琴月無與晤對且言歲寒何以自娛霜落園荒無可賞也

過故人庄

故人具鷄黍邀我至田家綠樹村邊合青山郭外

斜開軒面場圃把酒話桑麻待到重陽日還來就

菊花

范雲詩恨不具雞黍得與故人揮後漢書山陽范式字巨卿與汝南張元伯相友善春別

京師以秋為期至九月十五日殺雞作黍二親笑日山陽去此幾千里何必至元伯日巨卿信上不失期者言未絕而巨卿至詩要我乎上官陶潛詩田家豈不苦梁簡文詩已見垂鈎挂綠樹謝朓詩還望青山郭呂氏春秋戎夷與弟子一人宿於郭外阮籍詩開軒臨四野詩九月築場圃陸賈新語后稷種桑麻以蔽形體陶潛詩相見無雜言但道桑麻長南史陶潛九月九日無酒出宅邊菊叢中坐久之逢王弘送酒至即便就酌醉而後歸月令季秋之月菊有黃花

此飲於故人而賞其趣因結重遊之期也孟之興味絕類淵明獨恨以律易古耳然使靖節下

為近體亦不過此就字極佳非有養不能道

和李侍御渡松滋江

唐書地理志江陵府有松滋縣今屬荊州

府一統志川江在松滋縣北岷江至此分為三派下流三十里復合為一入大江

南紀西江濶皇華御史雄截流寧假楫挂席自生

風寮窠爭攀鵝魚龍亦避驄坐聽白雪唱翻入棹

歌中

詩滔滔江漢南國之紀謝瞻詩發催西江輿詩小序皇皇者華君遣使臣也漢書百官表

御史大夫秦官有侍御史十五人受公卿奏事有繡衣直指出討姦猾治大獄晉書藝術傳吳猛豫章人邑人丁義長其神方因還豫章江波甚急猛不假舟楫以白羽扇畫水而渡海賦維長綯挂帆

席晉書傅玄傳玄轉司隸校尉貴游懼伏亭閣牛

風張華詩自昔同寮家子虛賦浮文鶴注鶴水鳥

也畫於船首故日文鶴後漢桓典傳典拜侍御史

嘗乘驄馬京師畏憚為之語曰行行且止避驄馬

御史宋玉對楚王問客有歌於郢中者其為陽春

白雪國中屬而和者數十人注白雪高曲名也漢

武帝秋風辭簫鼓鳴兮發棹歌注棹歌引棹而歌也

江為南國之紀而松滋最廣今以臺使之雄而

涉此寧假楫耶我見挂席而風自生耳彼寮窠

攀舟以送魚龍亦避其威御史於是賦詩令舟

人歌之則翻入棹歌中矣

廣陵別薛八

一統志揚州府漢為廣陵郡隋改揚州唐天寶初改為廣

郡陵

士有不得志棲棲吳楚間廣陵相遇罷彭蠡泛舟

還檣出江中樹波連海上山風帆明日遠何處更

追攀

史記魏其日默默不得志答賓戲聖哲之治棲棲皇皇一統志彭蠡湖在南康府東南一

名鄱陽西接南昌東抵饒州北流入於江王粲詩朋友相追攀

襄陽楚人而客於吳蓋嘗落魄矣至是歸楚而

薛送之所謂同病相憐者也故言江波浩汗我

乃挂帆而逝君雖念我安所追攀一別長絕所

以悲耳

留別王維

寂寂竟何待朝朝空自歸欲尋芳艸去惜與故人

違當路誰相假知音世所稀祗應守寂寞還掩故

園扉

何遜詩寂寂行人疎陸夔詩容貌朝朝改楚辭何所獨無芳艸李陵書幸謝故人史記張

儀傳蘇秦已當路古詩不惜歌者苦但傷知音稀陸雲詩知音世所稀解嘲惟寂惟寞守德之宅虞

炎詩一乖當春聚方掩故園扉

襄陽為維所知他人則未之識今將歸故園而

別以詩意謂客居寥寂有所待則不來有所適

則空返如此者非一日矣欲尋芳艸而去則惜

與故人相違指右丞也苟當路者既無所知而世之知音絕少安能戀君而不去哉惟當守此寂寞而掩故園之扉耳

早寒有懷

木落鴈南渡北風江上寒我家襄水曲遙隔楚雲端鄉淚客中盡孤帆天際看迷津欲有問平海夕

漫漫

漢武帝秋風詞艸木黃落今鴈南歸鮑照詩木落江渡寒鴈還風送秋詩北風其涼鮑照

詩江上氣早寒一統志襄水在湖廣襄陽府城西北源出柳子山北流為檀溪南流為襄水謝朓詩雲端楚山見又曰鄉淚盡霑衣采超道詩孤帆漸逼天曹植七啓眇天際而高居寶誌十二時頌有

道人掌擎如意珍 若着物入迷津論語使子路問津焉江總詩平海若無流庾信詩漫漫疑行海

此客中苦寒思家切也言當木落鴈度之時北風乍起寒既早矣家臨湘水而隔楚雲望而不

途次

客行愁落日鄉思重相催况在他山外天寒夕鳥來雪深迷郢路雨暗失陽臺可嘆棲遲子狂歌誰

為媒

梁簡文帝詩客行祗念路吳均詩馬頭要落日梁簡文帝書鄉思凄然何遜詩寓日皆鄉

思荀仲舉詩况復歸風便詩他山之石莊子天寒既至沈約詩夕鳥傍欄飛王莽傳關東大雨雪深者一丈楚辭惟郢路之遼遠陽臺見十一卷劉庭芝詩註詩衡門之下可以棲遲楚辭因芙蓉以為媒梁簡文詩可憐絕世誰為媒

此將遊京師而述途中之旅况也言客心愁晚鄉思方切况對山中之歸鳥乎且雨雪交侵迷失道路途窮極矣因言已本棲隱之士藉欲見知於朱門誰肯為媒而薦之者是以嘆息狂歌不能自已也

赴京途中遇雪

迢遞秦京道蒼茫歲暮天窮陰連晦朔積雪徧山川落鴈迷寒渚饑鳥噪野田客愁空佇立不見有

人烟

吳都賦曠瞻迢遞陰鏗詩蒼茫歲欲晚舞鶴賦窮陰殺節黎同契晦朔薄蝕謝靈運詩明月照積雪江總詩落鴈不勝彈埤雅鴈愛陽而惡陰夜泊州渚令鴈奴圍而警察謝朓詩寒渚夜蒼蒼詩佇立以泣周弘讓詩暖暖有人烟

上詩言雪深迷郢路此專賦雪景蓋同時作也言京路既遠歲暮已迫因窮陰而有此積雪於是鴈欲宿而迷鳥思食而噪我亦悵然獨立未見人烟之可投雪中之落莫如此

夜渡湘水

客行貪利涉夜裏渡湘川露氣聞芳杜歌聲識采

蓮榜人投岸火漁子宿潭烟行侶唐音作旅時相問泚

品彙作陽何處邊鮑照詩客行惜日月易利涉大

潯非春洲藉芳杜楚辭注杜若葉似姜而有文理味辛

文選注杜香艸也樂錄艸木二十四曲內有采蓮

曲子虛賦榜人歌聲流唱注榜人船長也張協七

命榜人奏采菱之歌木華海賦舟人漁子徂南極

東宋武帝詩四面斷行旅楚辭望泚陽今極浦王

逸注泚陽江碕名一統志泚水在湖廣湘川北七

十里庾信詩不知何處天邊

此浮湘而向泚陽也言以風水之利乘夜以涉

湘多芳杜今不見其花而聞其氣時方採蓮亦

不見其人而識其聲皆暗中之景也於是榜人

望岸火而投漁子就潭烟而宿我儕則恐暗中

失道故爭問泚陽之所在耳

永嘉浦逢張子容唐書地理志處州縉雲

郡本永嘉郡天寶元年更名又曰温州永嘉郡有永嘉縣今屬

浙江温州府才子傳張子容襄陽人與

孟浩然同隱鹿門山開元

元年擢進士為樂城令

逆旅相逢處江村日暮時眾山遙對酒孤嶼共題

詩廨宇鄰鮫室人烟接島夷鄉園萬餘里失路一

相悲

左傳號為不道保於逆旅注逆旅客舍也西京賦走索上而相逢虞騫詩孤嶺枕江村王

粲詩

日暮遊西園謝靈運詩衆山亦當窓魏武帝

詩對

酒當歌文選謝靈運登江中孤嶼詩亂流趨

正絕

孤嶼媚中川善曰永嘉江也濟曰嶼江中山

也永嘉

孤嶼之名始此羅含別傳含為別駕廨宇

誼擾

乃立茅茨之室海賦其垠則有天琛水怪鮫

人之室

搜神記南海之外有鮫人水居如魚曹植

詩千里

無人烟書夷卉服陸瓊詩鄉園誰共此

愁人

屢益愁古詩相去萬餘里楚辭欲橫奔而失

路今

蓋堅志而不忍

此因逢友嘆風土之異也言於逆旅逢君日

方向暮即命酒于衆山之間題詩于孤嶼之上

深以得遇故人為幸矣然此地邊海公署所隣

無非鮫室人烟所接大都島夷今吾與子去鄉

園萬里居此殊方能無失路之悲耶

舟中曉望

挂席東南望青山水國遙舳舻爭利涉來往任風

潮問我今何適天台訪石橋坐看霞色曉疑是赤

城標

謝靈運詩挂席拾海月顏延之詩水國周地

拖處也

舳舻前頭刺櫂處也易利涉大川吳越春

秋子胥

因隨流揚波依潮來往謝靈運詩風潮難

具論

吳筠詩問子今何去出採江南蓮顧愷之啓

蒙記

注天台石橋路徑不盈尺長數十步步至

滑下臨

絕冥之澗孔靈符會稽記赤城山上有石

橋懸度

有石屏風橫絕橋上孫綽遊天台山賦赤

唐詩解

卷之三十五

七

萬笈堂

城霞起以建標又會稽記赤城山名色皆赤狀似雲霞

此將至天台述舟中眺望之景也言東南水國雖遠然舳艫爭風潮之利以來往則亦易至也我之此行欲訪天台之石橋耳今將曉而觀霞起之處無乃即赤城之標乎

途中遇晴

已失巴陵雨猶逢蜀坂泥天開斜景遍山出晚雲低餘濕猶霑艸殘流尚入谿今宵有明月鄉思遠

悽悽

一統志岳州府周以前為三苗地秦為長沙劉宋立巴陵郡唐武德中改為岳州本朝為

岳州府領縣七其一曰巴陵七發山川幽雲關尹子人之善瑟者有悲心則聲悽悽然魏徵詩日夕鄉思多

首陳泥濘之勞中述晚晴之景末紀思鄉之情蓋晴則有月對月興懷則又添我鄉思耳

李氏園卧疾

我愛陶家趣林園無俗情春雷百卉坼寒食四鄰清伏枕嗟公幹歸田羨子平年年白社客空滯洛

陽城

陶潛詩閑居三十載遂與塵事冥詩書敦宿好林園無俗情歸去來詞園日涉以成趣易

雷雨作而百果艸木皆甲拆注拆分裂也詩百卉具腓寒食見上宋之問詩注左傳諸侯守在四隣

詩輟轉伏枕魏志東平劉楨字公幹為司空軍謀祭酒椽屬後為五官將文學著文翰數十篇劉楨詩余嬰沉痾疾竄身清漳濱文選張平子有歸田賦後漢逸民傳向長字子平隱居不仕男女娶嫁既畢遊五嶽名山竟不知所終按歸田乃平子事與子平無涉此蓋誤用也晉書隱逸傳董京字威輦初與隴西計吏俱至洛陽被髮而行逍遙吟咏常宿白社中一統志白社里在河南舊洛城建春門晉逸士董京居此

襄陽客遊臥病李氏林園而作是詩言此園之趣不減陶家我因愛之而托足然當春雷動卉寒食澄清之候而乃伏枕如公幹乎雖羨平子之歸田而未能也况我乃白社之客無慕于時曷為而滯此洛城哉

Blank columns with vertical lines, likely for annotations or bleed-through from the reverse side.

昌為而謂此亦賦詩

唐詩解卷之三十六

華亭唐汝詢仲言父選釋

馮翊翽羽臯甫

武林 陳 枚簡侯甫 同校

五言律詩六

王維

從岐王過楊氏別業應教 岐王名範玄宗之弟開元二年

出刺 濟州

楊子談經處淮王載酒過興闌啼鳥緩坐久落花

多逕轉迴銀燭林開散玉珂嚴城時未啓前路擁

笙歌

漢書楊雄字子雲少好學博覽無所不見以爲經莫大於易故作太玄經又淮南王傳淮南王安爲人好書鼓琴招致賓客方術之士數千人又楊雄傳贊雄家貧嗜酒八希至其門時有好事者載酒肴從遊學梁元帝詩坐久翠眉愁辛德源池上落花浮銀燭見上陳子昂詩注玉珂目

上杜甫詩註抱朴子人君恐姦竇之不虞故嚴以備之陶潛詩問征夫以前路禮記十日而成

子雲好書以况楊氏淮南喜客以指岐王言

氏有此別業以爲談經之所岐王則載酒訪

鳥緩花殘見玩賞久也於是出逕而燃燭開

而散珂則王駕旋而臣寮去矣京師戒嚴城門

未闢故笙歌擁於前路耳深夜始歸以見王之

盡興

同崔員外郎秋宵寓直

寓直禁中直宿也

建禮高秋夜承明候曉過九門寒漏徹萬井曙鐘

多月迴藏珠斗雲消出絳河更慚衰朽質南陌共

鳴珂

漢書典職尚書郎晝夜更直於建禮門內古樂府高秋入九月漢書嚴助傳君厭承明之

廬張晏曰承明廬在石渠閣外直宿所止日廬禮記饗獸之藥非出九門注天子有九門謂關門遠郊門近郊門城門臯門庫門雉門應門路門也周禮方百里爲一同積萬井其中漢書刑法志天子

畿內提封百萬井又律曆志日月如合璧五星如連珠初學記天河亦名絳河拾遺記絳河去日南十萬里波如絳色徐陵詩南陌接銅駝飛蓋響鳴珂

建禮承明直宿之處候曉過者不安寢也中二
聯敘將晚之景末言已既遲暮共此趨朝覺有
媿於雀君耳

山居秋暝

空山新雨後天氣晚來秋明月松間照清泉石上

流竹喧歸浣女蓮動下漁舟隨意春芳歇王孫自

可留盧思道詩空山照秋月史記龜策傳新雨已天清靜無風陶潛詩今日天氣佳魏文帝詩

月皎皎照我房嵇喜詩山盤芝茂清泉水舟豈安流梁元帝詩處處春芳動楚辭不比又曰王遊兮不歸

此見山居之佳也雨過涼生夜氣浸爽

冽景有秋容女浣男漁俗有秋思因想

春艸屬之王孫今春芳雖歇山中亦自

不受淮南之招矣秦地苦水衣不易濯

結伴就溪浣之今暮歸之女經竹而誼

衆可知

歸嵩山作

初學記嵩高山者五岳岳也在今河南登封縣

清川帶長薄車馬去閑閑流水如有意暮

還荒城臨古渡落日滿秋山迢遞嵩高山一

來且閑關陸機詩清川帶華薄又按轡遵

弗驅詩桑者閑閑兮詩汚彼流水陶潛詩

與還陰鏗詩荒城高仞落庾信詩含風搖

琛詩落日總行轡江淹詩金鏐映秋山謝

暹封畿外注迢遞遠貌白虎通中央之嶽

字者何中央居四方之中可高故曰嵩高

子或問陶元亮子曰柳先生傳則幾於

注閑關喻

藏身也

此還山而賦途中之景也川薄清幽車

便有塵外之觀而水之流禽之還咸若

而相從也獨城荒景夕不無蕭索之悲

而掩 高高之下耳豈右丞遊倦之時

輞川閒居

一統志輞川在西安府

一從歸白社不復到青門時倚簷前樹遠

村青菰臨水映白鳥向山翻寂寞於陵子

灌園

白見上孟浩然詩注三輔黃圖長

傳陳仲子者齊人也將妻子適楚居於陵

陵仲子楚王聞其賢欲以為相遣使持金

仲子仲子謝使者逃去為人灌園莊子子

陰見一丈人方將為圃畦鑿隧而入井抱

灌子貢曰有械於此鑿木為機後重前輕

抽數如決湯其名為梓又師金日子獨不

唐言解
樺者乎引之則
俯舍之則仰

此厭世喧濁甘棲隱也言一歸此庄便
城府林臥村居藉菰看鳥效仲子之灌
樂矣他無所慕也

終南山

太乙近天都連山到海隅白雲迴望合青
無分野中峰變陰晴衆壑殊欲投人處宿

樵夫

李善 四京注 漢書太一山古文以
五經要義太一一一名終南山在也

金終南南山之總名太一一山之別
京兆武功縣有太一山關中記其山

言在天之中居都之南故云近天都也謝朓詩未
辨連山極沈約詩連山無斷絕福地記終南東接
驪山太華西連太白至于隴山北去長安城八十
里南入楚塞連屬東南諸山周迴數百里呂氏春
秋東方為海隅穆天子傳白雲在天張載詩迴望
暢八隅江淹詩虛堂起青靄天文志天有十二次
地有十二辰保章氏以星上卞九州故謂分野廣
信詩鶴蓋上中峰楊雄長揚賦士有不談王道者
則樵夫笑之

近天狀其高到海言其迥白雲青靄若合若無
遠近之觀異也山形既廣非一星之分野所能
該今指中峰為限而各屬一星則變其分野矣
不唯星文有別即壑間之陰晴亦自有殊雲氣

之升異耳於是登陟既遙投宿無所就樵者而問之見山遠而人居寡也一說近天都為近唐

之京師於義亦通

按終南在陝去海極遙到海隅者形容之辭耳蔣註謂東

方為海隅豈齊魯之間亦皆終南耶蔣又謂中峰之北為雍為井鬼中峰之南為梁為翼軫恐右丞作詩未必如此拘拘且一山不聞兩州分屬俟博聞者詳之

過香積寺

不知香積寺數里入雲峰古木無人逕深山何處

鐘泉聲咽危石日色冷青松薄暮空潭曲安禪制

毒龍

雍錄香積寺在子午谷正北郭子儀收長安陳于寺北謝靈運詩滅迹入雲峰沈約詩都

令人徑絕

孫綽

天台山賦

卒踐無人之境

高士傳

善卷去入深山

莫知其處

北山移文

石泉咽而下

潘尼

詩青松陰修嶺

魏武帝樂府

薄暮無宿棲

江總詩

石室乃安禪

夏積雪山中有池

毒龍居之

昔五百商人止宿池

側龍怒況殺商人

槃陀王聞之捨位與子向烏場

國學婆羅門呪

四年之中善得其術乃復即王位

就池呪龍龍化為人悔過向王王乃捨之

大灌頂

神呪經莫令小毒龍害於人民智度論有大力毒

龍以眼視人弱者即死以氣噓人強者亦死時龍

受一日戒出家入林樹間疲懈而睡獵者見之驚

喜曰以此皮獻上國王以為船飾不亦可乎便以

刺案其頭刀剝其皮龍自念我今持戒故不計此

身一心受剝不生悔意時日大熱欲趨大水見諸

小蟲來食其身為持戒故不敢動畜生尚能堅持

禁戒至死不

犯况復於人

萬笈堂

唐詩解

唐詩解

卷之三十六

六

萬笈堂

此極狀山寺之僻言我初不知其寺深入雲峰
 如此今古木深山之中何處有此鐘聲始知寺
 所在耳泉聲為石阻而咽日色因松聲而寒斯
 固清迥絕塵之地也故我願安禪于此以制其
 心焉毒龍即所謂驚猿害馬非山中實有是物

登辨覺寺

寺無考按詩中云蓮峰則疑在華山之頂復云三楚九江則又

當在荆吳間也

竹逕從初地蓮峰出化城隱中三楚盡林上九江
 平嫩艸承趺坐長松響梵聲空居法雲外觀世得

無生

三輔決錄蔣詡竹下開三徑梁元帝詩竹逕露初圓大乘寶玉經有證初地二地乃至有

証十地釋惠標詩露捲蓮峰出華山記山頂有千葉蓮花服之羽化法華經法華道師多諸方便於險道中化作一城是時疲極之眾前入大城生已度想生安穩想謝朓詩窓中列遠岫史記貨殖傳楚有三俗自淮北沛陳汝南南郡此西楚也彭城以東東海吳廣陵此東楚也衡山九江江南豫章長沙是南楚也阮籍詩三楚多秀士潯陽地記九江一鳥白江二嶧江三鳥江四嘉靡江五峽江六源江七廩江八提江九茵江華嚴經地草桑輒結跏趺坐坐禪儀結跏趺坐先以左足安右脛上右足安左脛上次以左掌安右掌上以兩大拇指面相拄徐徐舉身乃正身端坐婆娑論結跏趺坐是相圓滿薛道衡詩澗影落長松華嚴經彼梵音聲不出眾外長阿含經梵聲有五種一正直二和雅三清徹四深滿五周遍遠聞梁元帝碑梵聲依於應塔華嚴經不外法雲陳何處士詩香蓋法雲起

瓔珞經觀世如幻化維摩經是
天女所願具足得無生法忍

寺從竹逕而入結宇蓮峰之巔宛然佛所化也
由其中而望則三楚九江靡所不睹於是跌坐
嫩艸之間禪誦長松之下此身已居法雲之外
獨不可觀世于此而悟無生哉按摩詰妻死不
娶孤居三十餘年以奉佛為事讀二詩心之無
染可知

送嚴秀才還蜀

唐書選舉志詔諸州明經
秀才明於理體為鄉里稱
者縣考試州長重
覆歲隨方物入貢

寧親為令子似舅即賢甥別路經花縣還鄉入錦

戈山臨青塞斷江向白雲平獻賦何時至明君憶

長卿

楊子孝莫大乎寧親宋書褚淵嘗謂任助父
逢日聞卿有令子世說桓豹奴王丹陽外甥

形似其舅桓甚諱之南史桓玄曰何無忌劉牢之
之外甥酷似其舅張正見詩別路已驚秋晉書潘
岳為河陽令植棗李花人號為洛陽一縣花梁元
帝詩歸來度錦城一統志錦官城在成都府因其
有錦官故名陳子良詩他鄉關塞白雲生西京雜
記相如將獻賦未知所為夢黃衣翁謂之曰可為
大人賦遂作大人賦言神仙之事以獻之賜錦四
匹司馬相如字長卿詳見七言絕句武元衡詩註
嚴之事理無考疑親在蜀而舅為令今省親謁
舅而贈以詩首美其孝次稱其賢經花縣將

舅也入錦城歸省親也于是寫蜀道江山之勝
而以長卿望之欲其毋久滯蜀

送平淡然判官

不識陽關路新從定遠侯黃雲斷春色畫角起邊

愁瀚海經年別交河出塞流須令外國使去聲知飲

月支頭

漢書西域傳東接玉門陽關一統志陽關在陝西廢壽昌縣西六里後漢書班超字

仲升為都護斬焉者王廣留焉者半歲慰撫之於是西域五十餘國悉皆納質內屬焉詔封超為定遠侯江淹詩黃雲蔽千里梁武陵王紀詩塞外無春色張正見詩風前噴畫角漢書霍去病傳登臨翰海如淳曰翰海北海名王褒詩經年一去不相聞一統志交河在火州土魯番西二十里源出天

山河水交流繞斷岸下夷名崖兒城唐交河縣也史記大宛傳張騫鑿空其後使往者皆稱博望侯以為質於外國又曰匈奴破月氏王以其頭為飲器月氏乃遠去西過大宛

此送淡然從軍也陽關之路君所未識今從王
將而始經斯固春色不到之地也軍中吹角君
能堪此邊愁乎既至瀚海則吾與子為經年之
別交河出塞君且乘流而逝矣倘遇外國之使
當言漢斬月支而飲其頭令彼知中國之威行
於方外耳按月支本蠻夷自相滅今借用為漢
事方覺有味



送劉司直赴安西

絕域陽關道胡烟與塞塵三春時有鴈萬里少行

人昔藉隨天馬蒲桃逐漢臣當令外國懼不敢覓

和親

季陵書昔先帝授陵步卒五千出征絕域廣信詩陽關萬里道不見一人歸陶潛詩和澤

周三春

李陵詩行人懷往路史記大宛傳宛左右

以蒲桃為酒俗嗜酒馬嗜昔藉漢使取其來犬

子始種之肥饒地及天馬多外國使來眾則離宮

別觀旁盡種蒲桃昔藉極望西京雜記樂遊苑有

首藉一名懷風風在其間常蕭蕭然日照其花有

光采故名昔藉為懷風大宛傳初天子發書易云

神馬當從西北來得烏孫馬好名曰天馬及得大

宛汗血馬益壯更名烏孫馬曰西極各大宛馬曰

天馬云圖經蒲萄生隴西五原燉煌山谷苗作藤

蔓而極長綿被山谷中花極細而黃白色其實有

紫白二色皆七八月熟取其汁可以釀酒李陵書

子為漢臣陸賈新語秦始皇築長城於戎境將帥

橫行以服外國史記劉敬傳上取家人子

名為長公主妻單于使劉敬往結和親約

司直奉使經此絕域所覩者烟塵耳雖鴈歸有

時而人行鮮觀昔藉葡萄且從此而入也君能

宣揚威信使蠻夷畏懼不欲復覓和親則使者

之効也

送邢桂州

唐書地理志始安郡屬嶺南道

鏡吹喧京口風波下洞庭赭圻將赤岸擊汰復揚

舲日落江湖白潮來天地青明珠歸合浦應逐使

臣星

劉孝綽詩鏡吹臨風警釋名鏡聲鏡鏡也竹

鼓吹五曲部三鏡吹後漢書吳大帝自吳徙於京

復於京口置京督以鎮焉家語孔子曰不觀巨海

何以知風波之患定辭洞庭波兮木葉下宋書沈

攸之傳劉伶遺率三子人赴赭圻一統志赭圻城

在太平府繁昌縣西南十里晉桓温入朝至赭圻

有詔止温温遂築城居此又曰赭圻城在寧國府

南陵縣北西臨大江吳所置赭圻屯所也曹植求

自試表南極赤岸東臨滄海兖州記瓜步山東不

里江有赤岸山南臨江中濤水自海入江衝激六

七百里至此岸側其勢始

今齊吳榜而擊汰注船恩牖者或曰小船

也汰水波也劉孝威詩揚舲濯錦頭徐悱妻詩日

浴應門閉史記范蠡乘扁舟浮於江湖後漢

吏傳孟子字伯周遷合浦太守郡不產穀實

出珠寶與交趾比境先時宰守並多貪穢詭

求不知紀極珠遂漸徙於交時嘗到官華易

未踰歲去珠復還又方術傳李邵字孟節善河圖

風星和帝即位遣使者皆微服單行各至州縣觀

採風謠使者二人當到益部投邵侯舍時夏夕露

坐邵因仰觀問曰二君發京師時寧知朝廷遣二

使邪二人默然驚相視曰不聞也問何以知之邵

昂星示云有二使星向益州分野故知之耳晉天

文志流星

天使也

唐之桂州漢之合浦那時為州守而摩詰送之

前二云述道路所經頸聯寫舟中之景末則美

其為興也入桂之道始於京口終於洞庭其間

則有端圻赤岸皆江中所歷也

送丘為落第歸江東

江東江左也大江之東皆稱江東按丘為

乃嘉興人

憐君不得意况復柳條春為客黃金盡還家白髮

新五湖三畝宅萬里一歸人知爾一作不能薦羞

稱獻納臣史記灌夫傳鬱鬱不得意便肩吾詩葉

國策蘇秦說秦王書十上而說不行黃金百斤盡

資用乏絕去秦而歸陰鏗詩還家何意晚荀濟詩

白髮朝朝新義興記五湖太湖射湖貴湖陽湖洸

湖為五湖淮南子任一人之能不足以治三畝之

宅列子三畝之園而不能芸江淹詩歸人望烟火

兩都賦序朝夕論思日月獻納唐書武后初置厠

以受四方之書設理厠使玄宗改為獻納使

失意而逢春色已自足悲又况客久金盡資用

乏絕乎愁令人老意君還家必且白髮生鬢矣

五湖三畝生理既微萬里一身飄泊殆甚我既

知君而不能薦安用獻納為也

漢江臨汎山海經注漢水出隴坻道縣嶓

豕山初名漾水東流至都沮縣

始為漢水即漢水也

楚塞三湘接荆門九派通江流天地外山色有無

中郡邑浮前浦波瀾動遠空襄陽好風日留醉與

山翁國策楚有汾陰之塞江淹詩奉義至江漢始

知楚塞長寰宇記湘潭湘鄉湘源謂之三湘

今屬長沙府荆門見上陳子昂詩註說死禹鑿江

通於九派江賦流九派乎潯陽列子蕩蕩然不覺

萬笈堂

天地之有無惠遠詩起滅有無際袁淑詩肯事郡
 邑權梁元帝詩初言前浦合謝靈運詩傾耳聆波
 瀾釋名風吹不成紋日瀾瀾連也波體流轉相及
 連也庾信詩可憐數行鴈點點遠空排晉書山簡
 鎮襄陽唯酒是耽諸習荆土豪族有佳園池簡
 每出嬉遊多之池上置酒輒醉名之日高陽池應
 邵漢書注城在襄水之陽故
 日襄陽庾信詩今朝好風日

此賦漢江之勝也漢與湘合而分爲九道今觀
 江流浩渺殆非人世山色微茫莫辨有無水盛
 而覺郡邑若浮瀾起而與遠空相接實天下之
 奇觀矣况襄陽風日更佳我又安能惜醉耶

使至塞上

單車欲問邊屬國過居延征蓬出漢塞歸鴈入胡

天大漠孤烟直長河落日圓蕭關逢候騎一作都

護在燕然李陵書足下昔以單車之使適萬乘之

典屬國又百官表典屬國秦官掌蠻夷降者漢書

將軍去病公孫敖出北地二千餘里過居延師古

日居延匈奴中地名古樂府翩翩飛蓬征捨捨遊

子懷吳均詩征蓬未肯還史記匈奴傳單于既入

漢塞見畜布野潘岳詩歸鴈映蘭時李陵書出大

漠之外范雲詩天木孤烟起應瑒詩浩浩長河水

徐悱妻詩落日更新莊史記匈奴傳孝文十四年

單于入蕭關使兵入燒回中宮候騎至雅甘泉何

遜詩候騎出蕭關後漢王霸傳先武至虜沱河候

吏還白河水流斷說文侯何望也漢書鄭吉傳吉

威震西域遂并車師以西北道故號都護都護之

置自古始焉注並護南北二道故謂之都漢書匈

萬笈堂

奴傳武師引兵還至燕然山陸機詩往問陰山
侯勁虜在燕然一統志燕然山去塞三千餘里

此奉使出塞而賦其事言天子念切邊庭而遣
單車之使故我為屬國而過居延正猶征蓬之
出塞歸鴈之入胡而大漠之孤烟長河之落日
靡不盡我目中矣時蓋欲詣都護之幕故逢候
騎於蕭關問而得其所在也

秋夜獨坐

獨坐悲雙鬢空堂欲二更
雨中山果落燈下艸虫鳴
白髮終難變黃金不可成
欲知除老病唯有學

無生阮籍詩獨坐空堂上江淹詩雙鬢鴉雛色伏
知道詩二更愁未央支道詩山果兼時珍詩

啾啾草蟲爾雅疏草蟲如蝗奇音青色好在茅草
中列仙傳朱璜入浮陽山八十年白髮盡黑史記
武帝紀李少君以祠竈穀道郤老方見上言於上
日祠竈則致物致物而丹砂可化為黃金黃金成
以為飲食器則益壽漢書劉向傳淮南有枕中鴻
寶祕書更生切而讀誦以為奇獻之言黃金可成
方不驗江淹詩丹砂信難學黃金不可成徐陵詩
嗟余今老病莊子由開之見周威公威公曰吾聞
祝賢學生司馬注學養生之道也楞伽經除任三昧是名無生

此憂生之嘆也時邁髮改夜愁難堪果落虫鳴
倍增悽愴因言神仙多妄惟無生可以却病我
願學之耳悲雙鬢者悲其白也白髮難變是承



上語不可言重王敬美以此病之正猶鑿舟尋

漏

觀獵

風勁角弓鳴將軍獵渭城艸枯鷹眼疾雪盡馬蹄

輕忽過新豐市還歸細柳營回看射雕處千里暮

雲平

唐太宗菊花詩風勁淺殘香詩駢駢角弓史記注渭城故咸陽一統志渭城在西安府長

安縣秦孝公所居之城也南史裴子野居墓所艸為之枯魏彥深鷹賦眼類明珠毛猶霜雪莊子馬蹄可以踐霜雪一統志新豐城在西安府臨潼縣東一十五里漢高帝因太上皇思故豐里乃置此縣徙豐人實之故曰新豐史記周勃世家匈奴大人邊以河內守亞夫為將軍軍細柳三輔黃圖細

柳營在渭水北括地志細柳倉在雍州咸陽縣西南周亞夫嘗令軍營皆柳樹謂之柳營北史解斯光工騎射嘗射一大禽形如車輪而下乃鵬也那子高曰此真射鵬手禽經竊玄曰鵬注色淺黑而大者虞義詩長城地勢險萬里與雲平

此美將軍之獵以時也寒風淒厲正折膠之時筋角勁矣於此出獵則鶯不避艸馬不踐雪輕疾可知獵已則遊新豐師還則歸細柳斯時也邊疆宴然無復有射鵬者所覩獨暮雲寥寂耳豈開元全盛之時乎

岑參

澹水東店送唐子歸嵩陽

三輔黃圖澹水出藍田谷北至

入霸陵

野店臨官路重城壓御堤山開灞水北雨過杜陵

西歸夢愁能作鄉書醉懶題橋回忽不見征馬尙

聞嘶張載詩重城曲江阿三輔黃圖灞水出藍田

谷西北入渭一統志霸水在西安府城東二十里北注於渭三輔黃圖宣帝杜陵在長安城南帝在民間時好遊鄠杜間故葬此沈約詩征馬時

顧相

前二聯寫野店之景後二聯敘送別之情唐子

蓋參之鄉人因其歸而起故園之想然夢與俱

逝書不能題者醉後之情緒難堪耳於是目送

其行至人馬皆隱而猶察其聲摸寫惜別之懷

令讀者宛然在目

送鄭少府赴滄陽

滄陽即河南彰德府之磁州

子真河朔尉邑里帶清漳春艸迎袍色晴花拂綬

香青山入官舍黃鳥度宮墻若到銅臺上應怜魏

寢荒高士傳鄭樸字子真谷口人也修道靜默世

服其清高耕於巖石之下名振京師何遜詩會無河朔飲鶚冠子士之居邑里山海經少山清

漳水出焉東流於濁漳之水按清漳出樂平縣濁漳出潞州自涉縣西入漳德境古詩青袍似春艸長條隨風舒後漢輿服志綬佩既廢秦乃以采組

唐詩解

卷之三十六

十五

萬笈堂

連結於燧光明章表轉相結受故謂之綬漢書何
 並傳並性清廉妻子不至官舍虞炎詩黃鳥度青
 枝更信詩宮墻定數重一統志銅雀臺在鄆德府
 臨漳縣治西魏曹操築鑄大銅雀高一丈五尺置
 之樓頂臨終遺令施總帳于上使宮人歌吹帳中
 望吾西陵西陵即操所葬處也漢書注室有東西
 廂曰廟無東
 西廂曰寢

河朔魏之舊都其山水鶯花當異於他處君今

得此亦足自娛但銅臺荒廢不無弔古之思耳

少府無他可頌故於題外求意與今人點鬼簿

者自別稱子真者因其姓云

送張子尉南海

唐書地理志廣州南海縣屬嶺南道今屬廣東廣州

府

不擇南州尉高堂有老親樓臺重蜃氣邑里雜鮫

人海暗三山雨花明五嶺春此鄉多寶玉慎勿厭

清貧

說苑子路曰家貧親老者不擇祿而仕楚辭嘉南州之炎德宋子侯詩挾瑟上高堂鹽鐵

論審老親之腹非唐園唯菜是盛史記天官書海旁蜃氣象樓臺雜兵書蜃形似蛇而大腰以下鱗盡逆又曰狀似螭龍有耳有角背鬣作紅色噓氣成樓臺望之丹碧隱然如在烟霧將雨即見謝眺詩邑里向疏蕪博物志南海外有鮫人水居如魚不廢織績其眼能泣珠謝靈運詩越海陵三山注東方朔集三山在海中衆仙所居一云番山禺山堯山爲三山又羅浮山三山之總名陳子良詩峰迴雜花明漢書張耳傳南有五嶺之戍師古曰嶺者西自衡山之南東窮于海一山之限耳而別標

名則有五馬裴氏廣州記大庾始安臨賀桂陽揭陽是為五嶺晉書良吏傳廣州包帶山海珍異所出一篋之寶可資數世吳隱之為廣州刺史清操喻厲歸舟之日裝無餘資南史周顒清平寡欲終日嘗蔬食

張子為親而仕故不擇地而得此南州南州故鮫蜃之所出沒也三山五嶺之所盤礴也海暗而雨花明而春甲濕多暑之鄉也地雖多寶豈可以貧故而變其操乎唐人結語多用虛詞獨此有規諷意

奉送李太保兼御史大夫充渭北節度使

卽太尉光弼弟

舊唐職官志正一品太保一員三師訓導之官

天子所師也從三品御史大夫一員掌持邦國刑憲典章以肅正朝廷天寶中緣邊禦戎之地置八節度使受命之日賜之旌節謂之節度使得以專制軍事外任之重無比焉又李光弼傳光弼與九節度兵圍安慶緒於相州史思明自范陽來救光弼身先士卒苦戰勝之加光弼太尉兼中書令弟光進與李輔國同掌禁兵代宗委以心膂加太子太保兼御史大夫涼國公渭北節度使光進雖與光弼異母性亦孝梯甲第並開極一時之榮

詔出未央宮登壇近總戎上公周太保副將漢司空弓抱關西月旗翻渭北風弟兄皆許國天地何

去成功

史記蕭丞相作未央宮漢書高帝紀漢王

右官平帝元始元年初置金印紫綬位次太傅又

日御史大夫秦官位上卿銀印青綬掌副丞相又

百官志司空公一人掌水土事舊唐李光進傳光

進從郭子儀破賊收兩京累有戰功遷渭北節度

使永泰初進封武威郡王

此勉先進之勤王也言君總戎雖始而位列三

公者則已久矣苟能奮其軍威肅清渭北與太

尉同心許國則天方佑君之成功豈復有他慮

乎按光弼以程元振之故不赴吐蕃之難代宗

疑其有變因厚遇光進以安其心故此詩以許

國諷之而以成功慰之也

號州送天平何丞入京市馬

唐書地理志號州弘農郡

本號郡治盧氏號州今鳳翔府扶風縣

古號國天平今山東兗州府東平州隋

之鄆州唐元和中置天

平軍節度使治汴鄆

關樹晚蒼蒼長安近夕陽回風醒別酒細雨濕行

裝習戰邊城黑防秋塞艸黃知君市駿馬不是學

燕王沈約詩關樹抽紫葉王褒詩關樹但生榆曹

西安府劉琨詩夕陽忽西流楚辭悲回風之搖蕙

吳均詩別酒金卮空梁元帝詩從風疑細雨吳均

詩游苑看細雨說文裝裹也行者所齎也穀梁傳

出日治兵入日振旅習戰也史記伍子胥傳吳王

以伯嚭為太宰習戰射沈約詩塞艸發青芽國策燕昭王欲招賢者郭隗曰臣聞古之君人有以千金求千里馬者三年不能得涓人言於君曰請求之君遣之三月得千里馬馬已死買其首五百金反以報君君大怒涓人曰死馬且買之五百金况生馬乎天下必以王為能市馬馬今至矣不期年千里之馬至者三今王誠欲致士先從隗始隗且見事况賢於隗者乎豈遠千里哉

此慨邊庭多警朝無人也關有秋色京近夕陽
 以比君德不明國步且岌岌矣故我因風醒酒
 而愁愈添君患雨濕裝而道多阻正以習戰防
 秋寇警方亟駿馬之市為救邊計耳豈有燕昭
 徵賢之事乎按明皇晚年內荒於聲色外疲於

邊功賢者退而不顯嘉州興慨意極不淺

武威暮春聞宇文判官西使還已到晉昌

唐書地理志涼州武威郡屬隴右道王
 隱晉書惠帝以敦煌上界濶遠分立晉
 昌郡唐書地理志瓜
 州晉昌郡屬隴右道

片雨過城頭黃鸝上戍樓塞花飄客淚邊柳挂鄉
 愁白髮悲明鏡青春換弊裘君從萬里使聞已到

瓜州庾信詩何勞一片雨喚作陽臺神胡笳城頭
 烽火不曾滅說文黃鸝倉庚也鳴即蠶生陰
鏗詩戍樓因岨險謝朓詩侵淫客淚垂左思白髮
 賦星星白髮生於鬢垂又曰始覺明鏡陽然見惡
 楚辭青春受謝國策蘇秦說秦王書十上而說
 不行黑貂之裘敝左傳允姓之戎居於瓜州

此久宦而懷鄉也雨後鶯啼既添春思又况花
 之飄正若客之灑淚柳之挂無非我懷鄉之愁
 也悲鏡中之白髮換深春之敝裘客久可知矣
 於是因判官之歸而興慨曰君雖出使萬里乃
 能遂至瓜州我安得去此武威也

寄左省杜拾遺

舊唐職官志門下省龍朔中改為東臺故稱左省又

曰門下左拾遺二員掌供奉諷諫新唐文藝傳肅宗立杜甫奔行在上謁拜左

遺拾

聯步趨丹陛分曹限紫微曉隨天仗入暮惹御香

歸白髮悲花落青雲羨鳥飛聖朝無闕事自覺諫

書稀

禮記連步以上杜預表珥筆丹陛晉書天文志紫微天帝之座初學記唐改中書省曰紫

薇省花木考紫薇俗名怕痒唐省中植此取其花久也據此則微當作薇唐書儀衛志朝會之仗有五皆帶刀捉仗列于東西廊下何遜詩晴軒連瑞氣同惹御香芬陶潛詩白髮被兩鬢江淹詩花落豈留英解嘲當途者升青雲陸機詩仰瞻凌霄鳥羨爾歸飛翼漢書師丹傳註誤聖朝詩袞職有闕維仲山甫補之岑參時為右補闕故有是語漢書儒林傳王式為昌邑王師王廢式繫獄治事使者責問曰師何以亾諫書

按乾元元年杜甫薦參擢左補闕此因退朝而嘆奉職之無補也言我與君進則聯步退則分

下

曹曉隨仗入暮惹香歸
 遲暮見花落而悲君志在青雲見鳥飛而羨分
 固不同量矣今朝無闕事諫書日稀無乃虛補
 闕之名乎分曹限紫微者補闕拾遺各居一署乃以紫微為限也少陵答詩口窮寃
清禁闕罷朝歸不同君隨丞相後我住日華東遂以此語衍作二聯時參為補闕屬中書居右署甫為拾遺屬門下居左署

七月三日在內學見有高道舉徵宿關西

客舍寄嚴許二山人

雲送關西雨風傳渭北秋孤燈然客夢寒杵搗鄉

愁灘上思嚴子山中憶許由蒼生今有望飛詔下

林丘

後漢書嚴光少有高名與光武同遊學及光武即位隱身不見帝令以物色訪之後齊國

上言有一男子披羊裘釣澤中帝疑其光乃備安車玄纁遣使聘之三反而後至除為諫議大夫不屈乃耕於富春山後人名其釣處為嚴陵瀨焉高士傳許由字武仲陽城槐里人也堯讓天下於許由不受而逃去遁耕於中岳潁水之陽箕山之下晉書謝安傳安石不肯出將如蒼生何謝惠連詩落雪灑林丘

此感時懷友冀其出仕也雨後秋生旅思方切
 客夢鄉愁俱在燈杵間矣此時則思灘上之嚴
 兼憶山中之許正以道舉既徵二子亦當被召

因謂曰蒼生有望而詔下林丘君獨不可起而之耶

酬崔十三侍御登玉壘山思故園見寄

一統

志玉壘在成都府灌縣西北二十九里湔水出此

玉壘天晴望諸峰盡覺低故園江樹北斜日嶺雲

西曠野看人小長空共鳥齊高山徒仰止不得日

攀躋

華陽國志望帝以玉壘峩眉為城郭謝朓詩雲中辨江樹庾肩吾詩去影背斜日鮑照詩

日落嶺雲歸詩率彼曠野胡笳苦我怨氣今浩於長空詩高山仰止毅梁傳躋升也

前三聯摸寫侍郎登山之景末聯嘆已之不得

從遊也

登總持閣

高閣逼諸天登臨以日邊晴開萬井樹愁看五陵

烟檻外低秦嶺牕中小渭川早知清淨理常願奉

金仙

陳後王詩麗宇芳林對高閣法華經爾時切利諸天先為彼佛庾信詩游客喜登臨晉書

明帝曰不聞人從日邊來萬井見上王維詩註西

都賦北眺五陵注高帝葬長陵惠帝葬安陵景帝

葬陽陵武帝葬茂陵昭帝葬平陵西都賦是睇

秦嶺注秦嶺南山也鮑照詩牕中多佳人史記貨

殖傳渭川千畝竹河圖括地象鳥鼠同穴山地之

幹也渭水出其中金剛經信心清淨即是實生楞

嚴經持十方如來十二部經清淨妙理李詩註金

仙佛也因緣九十一劫身皆金色故佛稱金仙

閣之高爽如此心所踟依恨未悟清淨理耳假
令早知此理當不常侍金仙耶此與上篇體格
相似而骨力迥别于鱗取此庭禮採彼二君之
識鑒可想

巴南舟中夜書事

渡口欲黃昏歸人爭渡喧近鐘清野寺遠火點江
村見鴈思鄉信聞猿積淚痕孤舟萬里夜秋月不

堪論

劉孝儀詩欲待黃昏後含嬌淺渡河江淹詩
歸人望烟火宜都山川記巴東三峽猿聲悲

猿鳴三聲淚沾衣陶潛詩耿耿孤舟逝江淹詩
關關秋月明

此水宿而書旅情也向夕而觀爭渡之人便有

思家之想俄而寺鐘起村火明見鴈聞猿情極

難堪矣秋月雖佳非所論於旅泊之夜也

初至犍為作

唐書地理志嘉州犍為郡本
眉山郡天寶元年更名郡有

犍為縣屬劔南道今四川
敘州府嘉定州即其地

山色軒楹內灘聲枕席間艸生公府靜花落訟庭
閑雲雨連三峽風塵接百蠻到來能幾日不覺鬢

毛斑

江淹詩山色與雲平梁元帝詩灘聲下濺石
樂府新楊柳歌沈亂枕席間古樂府盈盈公

府步梁簡文帝詩上林紛紛花落高唐賦妾在巫
山之陽高丘之阻旦為朝雲暮為行雨三峽謂西

陵峽歸鄉峽巫峽俱在四川夔州府詳見七絕陸機詩京洛多風塵詩因時百蠻漢書高帝紀百粵之兵服虔注非一種若今言百蠻也按健為古為夔國南通六詔溪洞夷獠雜居

此守嘉州而嘆其地之險惡也山色灘聲盈乎
一坐側艸生花落幾沒公庭民務之鮮可知况地
連三峽而雲雨常昏境接百蠻而風塵不靜是
以到官未幾而髮為之變也

唐詩解卷之三十一

終

唐詩解卷之三十七

華亭唐汝詢仲言父選釋

凌克延源長父

武林凌克蕃宗翰父同校

李國任親侯父

五言律詩七

高適

送劉評事充朔方判官賦得征馬嘶

唐書地理

志夏州朔方郡中都督府今陝西寧夏地古樂府有征馬嘶曲

徑馬向邊州蕭蕭嘶未休思去聲深應帶別聲斷為

兼秋岐路風將遠關山月共愁贈君從此去何日

大刀頭梁簡文帝詩自君征馬去音信不曾通詩

蕭蕭馬鳴說文嘶馬鳴也王褒詩怨歌聲

易斷曹植詩采桑岐路間王褒詩無復漢地關山

月鮑照詩俄思甚兼秋陶弘景詩不堪持贈君何

遜詩東西從此去影響絕無由古樂府何當大刀

頭破鏡飛上天葛常之詩話大刀頭刀上鏤也破

唐人送別各賦一物以為贈故以征馬嘶為題

言馬向朔方哀嘶不息其思幽深以帶別而然

聲更淒絕為兼秋而甚於是涉岐路之風對關

山之月行漸遠而愁日深從此而去何日當還

也

送魏八

更沽淇上酒還泛驛前舟為惜故人去復憐嘶馬

愁雲山行處合風雨與中秋此路無知己明珠莫

暗投詩送我乎淇之上矣古詩前日風雪中故人

從此去陳後主詩驚風起嘶馬詩風雨蕭蕭

史記豫讓曰士為知己者死鄉陽書明月之珠夜

魏八之行眷眷無已更沽還泛見飲餞之再也

因故人之去可惜而覺馬嘶之聲亦愁又况歷

雲山對風雨不勝悲秋之感矣君之往也蓋欲求售于時然前路無知豈可以明珠暗投耶當自重其才勿輕試也

送鄭侍御謫閩中

舊唐職官志待御史四員從六品御史之名周

官有之亦名柱下史秦改爲侍御史

謫去君無恨閩中我舊過大都秋鴈少只是夜猿多東路雲山合南天瘴癘和自當逢雨露行矣慎

風波


漢書賈誼傳誼既以謫去意不自得又外夷傳閩粵王無諸姓騶氏秦并天下廢爲君長以其地爲閩中郡呂氏春秋仲秋之月候鴈來江淹別賦值秋鴈兮飛日謝靈運詩噉噉夜猿啼曹

值詩怨彼東路長英志華嚴表蒼梧南海歲有瘴風瘴氣毛詩注雨露者天所潤萬物喻王者恩澤陸機詩行矣怨路長楚辭順風波而流從柳惲詩行役滯風波

此述閩中風景以慰侍御之遠謫也達夫少落魄遍遊江湖故習知閩中之事少鴈多猿旅思固是不淺然雲山雖合瘴癘稍和則亦無他虞也况君以論事而謫行當被召但南方多水風波之患則宜慎之餘無慮矣鴈獨稱秋者閩中秋未有鴈也

送李侍御赴安西

唐書地理志安西大都護府治西州



行子對飛蓬金鞭指鍊驄功名萬里外心事一杯

中虜障燕支北秦城太白東離魂莫惆悵看取寶

刀雄鮑照詩行子夜中飯商君書夫飛蓬遇飄風而行千里乘風勢也爾雅青驪驕注今之鍊

驄也四子講德論節趨不立則功名不宣漢書劉向上疏甘延壽懸旗萬里之外謝朓詩心事俱已矣陶潛詩且盡杯中物漢書張湯傳上遣狄山乘

鄯蒼頡篇鄯小城也一統志焉支山在陝西山丹衛城東南一百三十里一名刪丹山又曰秦城在

鳳翔府隴州南三里秦非子居此錄異記金星之精墜於漢南號為太白三秦記太白山在武功縣

南去長安三百里俗云武功太白去天三百里楚辭魂離散江淹別賦知離夢之躑躅意別魂之

飛揚楚辭惆悵今而私自憐蜀費禕別傳禕使吳孫權以手中常所執寶刀贈之禕曰刀所以討不

庭禁暴亂者也願大王勉建功立業同獎漢室臣

雖開弱終不負東顧

此以立功期待御也君既為行子矣所對者飛

蓬所侍者鞍馬萬里之志形於一杯虜障秦城

特咫尺耳豈以離別為恨哉請視寶刀以壯行

色

使青夷軍入居庸

唐書地理志媯州媯川郡有青夷軍懷戎縣東

南五十里有居庸塞東連盧龍西屬太行天下之險

匹馬行將夕征途去轉難不知邊地別祗訝客衣

單溪冷泉聲苦山空木葉乾莫言關塞極雨雪尙

漫漫公羊傳匹馬隻輪無反者徐陵詩征途愁轉
旆陳琳詩明知邊地苦庾信對燭賦山月沒
客衣單祖孫登詩抽鞭上關路誰念客衣單楚辭
洞庭波兮木葉下蔡琰胡笳塞上黃蒿今枝枯葉
乾詩雨雪霏霏胡笳
來時別兒今思漫漫

此述道中之苦也日將夕矣而匹馬未休信是
 凄楚况征途之愈難進乎斯時我亦不復知邊
 地之異但客衣日薄為可怪耳蓋近塞而多寒
 也又敘溪山蕭索之景且曰莫謂邊塞已極而
 路將盡今雨雪尚漫漫不已道轉難行居庸豈
 易至耶

自薊北歸

驅馬薊門北北風邊馬哀蒼茫遠山口豁達胡天
 開五將已深入前軍止半迴誰憐不得意長劔獨

歸來詩驅馬悠悠唐書薊門在幽州北蔡琰詩北
風厲兮肅冷冷胡笳動兮邊馬鳴沈炯詩窮
秋邊馬肥庾信詩蒼茫落餘暉江洪詩遠山清無
雲劉禎詩豁達來風涼漢書匈奴傳本始之初欲
掠烏孫迺發五將之師十五萬騎獵其南又宣帝
紀本始二年大發典調關東輕車銳卒習騎射者
皆從軍田廣明為祁連將軍趙充國為蒲類將軍
田順為虎牙將軍及度遼將軍范明友前將軍韓
增凡五將軍咸擊匈奴出師表五月渡瀘深入不
毛太公六韜前軍絕行亂陣史記虞卿不得意乃
著書胡非子負長劔赴榛
薄馮煖歌長鋏歸來乎

按達夫嘗居哥舒翰幕下蓋出戰不利而有是
 一作也邊馬聲哀敗還之景經遠山者奔間道也
 由山口而向薊門則胡天開豁矣是時諸將分
 道並進故多深入者已從前軍而士卒死者過
 半仗劔歸來失意極矣寧復有憐之者乎

醉後贈張九旭

世上謾相識此翁殊不然興來書自聖醉後語尤

顛白髮老閒事青雲在目前牀頭一壺酒能得幾

回眠

戰國策人生世上抱朴子善史書之絕時者則謂之書聖故衛協張墨于今有聖書之名

焉唐書文藝傳張旭蘇州吳人嗜酒每大醉呼叫狂走乃下筆或以頭濡墨而書既醒自視以為神不可復得也世呼張顛趙壹疾邪賦肆嗜慾於日前世說新語孔文舉有二子晝日父眠一小者牀頭盜酒飲之

此美張旭之率真也言世人交未及深即漫然
 自謂相識者非能真識其人者也獨此翁不然
 夫書之聖語之顛雜閒事而忘年見青雲而不
 處思飲牀頭酒而不能久卧是皆任性之真者
 也何事而難識乎

王灣

次北固山下

一作江南意首聯云南國多新意東行伺早天末聯云從

來觀氣象惟向此中偏一統志北固山在鎮江府治北下臨長江其勢險固

客路青山外行舟綠水前潮平兩岸濶風正一帆

懸海日生殘夜江春入舊年鄉書何處達歸鴈洛

陽邊

古詩夕宿青山郭魏文帝樂府汎汎川流中有行舟東京賦涿水澹澹王僧孺詩潏潏且

潮平說苑天地之氣合以生風風氣正十二律正也齊地記古有日夜出見于東萊史記楚世家楚

人有好以弱弓微微加歸鴈之上者一統志洛陽縣木成周地居洛水之北故曰洛陽

此泊舟北固而敘江中之景因風氣之異而起

故園之思也海上之日未旦而生江南之春方

冬而動則與洛中異矣故欲因歸鴈而附以書

崔灝

長門怨

君王寵初歇棄妾長門宮紫殿蒼苔滿高樓明月

空夜愁生枕席春意罷簾櫳泣盡無人問容華落

鏡中

吳筠詩棄妾在河橋長門宮見上杜審言詩汪漢書成帝紀神先降集紫殿鮑照詩坐視

青苔滿臥對錦筵空曹植詩明月照高樓王僧孺詩千里夜愁積潘岳詩夜愁極清晨曹植詩歡愛

在枕席梁元帝詩春意春已繁謝惠連詩升月照簾櫳說文櫳房室之䟽也韓非子泣盡而繼之以

血陸機詩容華宿夜零

此為陳皇后之怨詞君不來幸而樓殿之間虛
寂甚矣夜眠則枕席愁生春去則簾櫳意罷不
復能凭也獨居掩涕誰復能憐但對鏡而知榮
華之凋耳

贈梁州張都督

舊唐書地理志梁州興元府隋漢川郡武德元年置

梁州總管府七年改為都督府又職官志魏黃初二年始置都督後代因之貞

觀中分為上中下都督府

聞君為漢將虜騎不

一作

南侵出塞

本集作

清沙

莫還家拜羽林風霜臣節苦歲月主恩深為去聲語

西河使知子

本集誤作君

報國心

曹植白馬篇虜騎數遷移又曰揚聲沙漠

垂說文漢北方流沙也舊唐職官志左右羽林軍統領北衙禁兵之法今而督攝左右廂飛騎之儀仗以統諸曹之職鮑照詩辛苦風霜亦何為又曰時危見臣節易苦節不可貞陸機詩歲月一何易漢書武五子傳王恩不及下究唐書地理志汾州西河郡有西河縣今山西汾州地

此詩時事無攷疑都督還京之後灝方有事於
邊贈此以求先容也言君為漢將虜不南下威
信立矣故能出清沙漠入拜羽林臣節雖勞王
恩非淺今我心懷報國而人莫知惟都督為語
邊使明予此心使當局者聞之庶幾擢用耳

送單于裴都護赴西河

舊唐地理志單于都護府秦漢時雲

中郡城也麟德元年改為單于大都護府在京師東北二千三百五十里又職官志都護之職掌撫慰諸蕃輯寧外寇西河見上詩注

征馬去翩翩城秋月正圓單于莫近塞都護欲臨

邊漢驛通烟火胡沙乏井泉功成須獻捷未必去

經年

沈約詩征馬時相顧袁淑詩劍騎何翩翩陸瓊詩鳥啼月正圓史記韓安國傳單于將十

餘萬騎入武州塞又馮唐傳魏尚為雲中守匈奴遠避不近雲中之塞王褒詩隴西將軍荒都護東觀漢紀北夷作寇千里無烟火漢書匈奴傳嚴尤曰胡地沙鹵多乏水艸張正見詩井泉含凍竭戰國策功成名立而利附焉左傳鄭子產獻捷于晉

匈奴以秋高入寇以月滿進兵當都護驅馬臨

戎而城頭秋月方滿正單于犯塞之時今聞都

護之來而敢近乎警之也驛傳烽舉則寇難未

平沙起井枯則軍旅數出故以獻捷望其還不

欲師之久勞於外也

題潼關樓

雜錄潼關在華州華陰縣東北通典潼關本名衝關言河自龍

門向南而流衝激華山之東故以為名後因關西一里有潼水因以名關

客行逢雨霽歇馬上津樓山勢雄三輔關門扼九

州川從陝路去河遠華

去聲

陰流向晚登臨處風烟

萬里愁

鮑照詩客行借日月說文霽雨止也慮思道詩駢鑣歌夜馬三輔黃圖三輔者謂王

爵中尉及左右內史漢武帝改曰京兆尹左馮翊右扶風共治長安城中是為三輔周禮職方氏掌

天下之圖乃辨九州之國東南曰揚州正南曰荊州河南曰豫州正東曰青州河東曰兗州正西曰

雍州東北曰幽州河內曰冀州正北曰并州舊唐地理志陝州大都督府屬南道一統志華陰縣

在西安府華州城東七十里在華山之陰故名謝朓詩風烟四時犯

此道經津樓而賦其事首紀來遊之景中狀潼

關之壯末書眺望之情

祖詠

江南旅情

楚山不可極歸路但蕭條海色晴看兩江擊夜聽

潮劒留南斗近書寄北風遙為報空潭橋無媒

寄二寄字疑有誤洛橋范雲詩楚山清曉雲一統志太平

縣亦有楚山謝靈運詩始得傍歸路楚辭山蕭條而無獸又曰聽湖水之相擊晉書張華傳初吳之

木滅也斗牛之間常有紫氣華聞豫章人雷煥妙達緯象乃要煥登樓仰觀煥曰寶劍之精上徹於

天耳吳都賦仰南斗以斟酌天官星占南斗主爵祿其宿六星春秋說題辭南斗為吳季陵答蘇武

書時因北風復惠德音空潭橋未詳楚辭又無良媒在具側一統志天津橋在河南府城外西南架

洛水隋煬帝建即唐入所謂洛橋也

按詠本洛人渡江而遊吳楚之間時去楚還吳

故有歸路蕭條之句海色雖晴望之如雨江湖
 夜至聞聲而知蓋舟中之景也劍為君子之武
 備斗為吳越之分星雷煥故嘗辨氣於此今我
 適經其地是我之佩劍留於南斗近矣獨恨去
 洛日遙北風之書難寄耳寄書猶難又况洛橋
 之橋乎寄橋未詳難以曲解姑闕以俟博雅君
 子

蘇氏別業

別業居幽處到來生隱心南山當戶牖澧水映園

林竹覆經冬雪庭昏未夕陰寥寥人境外閑坐聽

春禽

別業見上李喬詩注詩幽幽南山老子鑿戶牖以為室詩澧水東注澧水出陝西終南山

東入咸陽入渭陶潛詩園林無世情馬融長笛賦冬雪慘封乎其枝顏延之詩庭昏見野陰沈約詩夕陰帶曾阜左思詩寥寥空宇內陶潛詩結廬在人境史記日者傳司馬季王閑坐王褒洞簫賦春

禽羣嬉

蘇之別業稱幽我經其地而生隱心者以園舍
 之旁皆山水也竹間沈鬱故積雪不消庭際幽
 深故長陰無日此皆人境之外無他俗情惟閒
 坐以聽春禽之轉耳

李頎

望秦川

三秦記長安正南秦嶺限水流為秦川

秦川朝望迥日出正東峰遠近山河淨透迤城闕

重秋聲萬戶竹寒色五陵松客有歸與平聲嘆淒其

霜露濃

詩日出有曜史記吳起傳山河之固此魏國之寶王粲登樓賦路透迤而修迥詩在

城闕兮

劉孝威詩織素起秋聲史記貨殖傳渭川

千畝竹

此其人皆與萬戶侯等劉遵詩隴樹寒色

落五陵

見上岑參詩江王粲登樓賦昔尼父之在

陳今有歸歎之歎音

詩淒其以風禮記霜露既降

庾信詩寒

郊霜露濃

秦川京都勝地也唐之離宮漢之陵寢在焉故

因曉望而敘景如此秋聲寒色已動客懷然歸

與之歎靡切者則由霜露使之也

送人尉閩中

可嘆芳菲日分為萬里行閩門折垂柳御苑聽

殘鶯海戍通閩邑江航過楚城客心君莫問春

艸是王程

綦母潛

宿龍興寺

一統志龍興寺在襄陽府房縣柳宗元岳州聖安寺碑云無姓

和尚始居房州

龍興寺中即此

香刹夜忘歸松清古殿扉燈明方丈室珠繫比丘
衣白日傳心淨青蓮喻法微天花落不盡處處鳥

啣飛

釋氏要覽利幡柱也沙門得一法者便當建幡告四遠按利本建於塔上後人指刹為塔

轉而稱寺皆相沿耳沈約詩忘歸屬蘭杜維摩詰經譬如一燈然百千燈冥者皆明明終不盡釋書以燈喻法事文類聚唐顯慶中王玄策使西域至毘耶離城有維摩居士石室以手板縱橫量之得上笏故各方丈室圓覺經譬如清淨摩尼寶珠映於五色隨方可現金剛經與大比丘眾千二百五十人俱注比丘者去惡取善名小比丘善惡俱遣名大比丘也會一阿含經四姓為沙門皆稱釋尊勝經名為苾芻出經名為比丘梵語比丘秦言乞士謂上于諸物乞法資益惠命下于施主乞食資益色身是離白日山之悠悠起信論佛祖不立文字以心傳心達摩傳內傳心印法華經有人聞

是品能隨喜讚善者是人口中嘗出青蓮香晉書佛圖澄傳澄呪鉢水生青蓮花光色曜日天花見上卷孟浩

然詩注

此因遊寺而美其僧也入香刹而忘歸者愛繞殿之松陰也燈明于室珠繫於衣取其光也指日傳心顯而易見以蓮喻法潔而不染故能使天花數下飛鳥皆能啣之此詩語極無味格調世卑入于鱗選我所不解

題靈隱寺山頂院

招提此山頂下界不相聞塔影挂清漢鐘聲扣

白雲觀空靜室掩行道眾香焚且駐西來駕人
天日未曛

王昌齡

胡笳曲

城南虜已合一夜幾重圍自有金笳引能令出塞

飛聽臨關月苦清入海風微三奏高樓曉胡騎掩

淚歸古樂府戰城南死郭北史記項羽紀項王軍壁垓下漢軍圍之數重齊高帝詩金笳夜厲

羽轄晨征曹嘉之晉書劉疇嘗避亂瑯璧賈胡百數欲害之疇無懼色按笳而吹之為出塞入塞之

聲以動其遊客之思於是羣胡皆垂淚而去晏子春秋晏子人坐樂人三奏晉書劉琨傳琨在晉陽

嘗為胡騎所圍數重城中窘迫無計琨乃乘月登樓清嘯賊聞之皆淒然長歎中夜奏胡笳賊又流

涕歔歔有懷土之切向曉復吹之賊並棄圍而走

此極狀笳聲之悲蓋賦劉琨却敵之事也虜騎

圍城城中兵弱獨金笳出塞之音聲飛于外能

使風月增愁於是胡人感之為之解兵而去耳

張謂

同王徵君洞庭有懷

八月洞庭秋瀟湘水北流還家萬里夢為客五更

愁不用開書帙偏宜上酒樓故人京洛滿何日復

同遊

山游經注巴陵縣有洞庭波瀟湘沅水皆共會巴陵號三江口盛弘之荊州記湘水北流二千里入于洞庭沈約詩還家問鄉里伏知道詩五更催送籌說文帙書衣也韓非子吳起出遇故人而止之食陸機詩京洛多風塵王鑑詩同遊不同觀念子遊怨多

此北人南客因感秋而念其家鄉也觀水之北流便有思洛意然身不可往而夢還其家夢醒則愁極五更矣此豈開帙之時乎惟登酒樓以消憂也於是既憶其家復念其友且歎歸期之未可卜耳

賈至

南州有贈二首

唐書地理志南州南川郡武德二年開南蠻置今廣西桂林府也唐書賈至傳至拜起居舍人至德中坐小法貶岳州司馬

極浦三春艸高樓萬里心楚山晴靄碧湘水暮流深忽與朝中舊同為澤畔吟停杯試北望還欲淚

沾襟

楚辭惟極浦兮寤懷謝靈運詩日翫三春蕙古詩西北有高樓沈約詩楚山高兮杳難度張衡詩欲往從之湘水深楚辭屈原既放遊於江潭行吟澤畔魏文帝樂府嘉肴不嘗旨酒停杯張衡詩側身南望涕沾襟

此坐貶岳州與故友飲因憶京華也感春艸而登樓心馳萬里觀晴雲流水彌切京華之思于

是與朝中之故友賦詩以寫放逐之懷詩成而
停杯北望忽不覺涕之欲下也逐臣之戀君如
此

其二

越井人南去湘川水北流江邊數杯酒海內一孤
舟嶺嶠同仙客京華卽舊遊春心將別恨萬里共

悠悠

江總詩石關通越井庾肩吾詩湘川燕起餘
湘水北流是上張謂詩在陶潛詩渺渺孤舟
遊釋名上銳而長曰嶠形似橋也李德林詩壺盛
仙客酒蕭若辭詩已數逢仙客郭璞詩京華游俠
窟楚辭日馳下里兮
易春心詩悠悠我心

上篇戀君此蓋思家也已方越鄉井而南去湘
乃北流是動我歸思也乾坤甚廣而我杯酒自
寄孤舟爲家亦大飄泊矣况所同嶺嶠之仙客
卽京華之舊遊也感春傷別能無千里之思乎

常建

破山寺後禪院

今常熟縣虞山興福寺

清晨入古寺初日照高林曲逕通幽處禪房花木
深山光悅鳥性潭影空

蔣註作去聲

人心萬籟此俱寂

惟聞鐘磬音

曹植詩清晨發皇邑江總詩初日照
紅粧張華詩仰蔭高林茂梁元帝詩

入林迷曲徑葛洪詩花木長榮鮑照詩花木亂平原謝朓詩山光晚餘照莊子子游曰地籟則衆麋是已人籟則比竹是已敢問天籟子綦曰夫吹萬不同而使其自已也姚察詩含風萬籟響左思詩南鄰擊鐘磬

此見禪院之絕塵也當林日初照之時而我從曲徑以入僧房花木鬱然可觀也鳥性因山光而悅人心對潭影而空觸機而悟矣萬籟俱寂惟聞鐘磬之音非六塵無染之時乎

泊舟盱眙

唐書地理志泗州有盱眙縣太極元年勅使魏景倩引淮水至

黃土岡以通揚州今縣屬鳳陽府

泊舟淮水次霜降夕流清夜久潮侵岸天寒月近

城平沙依鴈宿候館聽鷄鳴鄉國雲霄外誰堪羈

旅情

水經淮水出南陽平氏縣桐栢山按淮自桐栢東流歷鳳陽府遶盱眙城下月令季秋之

月霜始降謝靈運詩活活夕流駛鮑照詩夜久膏既竭莊子天寒既至霜雪既降范雲詩平沙斷還續周禮五十里有市市有候館候館有積吳越春秋越王與夫人歎曰豈料再還重復鄉國陸機詩灼灼在雲霄周禮野鄙之委積以待羈旅周弘讓詩羈旅情易傷

前六句叙旅泊之景尾聯動鄉國之思夜久天寒句是兩截語若串解便牽強

丁仙芝

渡揚子江

一統志大江在鎮江府城西北即揚子江也一名京江東注大

海

桂楫中流望空波兩畔明林開揚子驛山出潤州

城海盡邊陰靜江寒朔吹

去聲

生更聞楓葉下浙瀝

度秋聲

梁簡文帝詩桂楫晚應旋漢武帝辭橫中流兮揚素波一統志鎮江府秦屬會稽郡

隋開皇中置潤州本朝改鎮江府鮑照詩江寒霧未歇張正見詩朔吹犯梧桐謝靈運詩曉霜楓葉

丹謝惠蓮雪賦霞漸瀝而先集浙瀝風聲也劉孝威詩織素起秋聲

此賦江中之景驛在江北城在江南承上兩畔

而言也江經潤而出海近海而無邊音則宇內

方寧江寒而生朔風則秋色將暮是以有此楓

葉之聲耳

張巡

聞笛

宕堯試一臨虜騎附城陰不辨風塵色安知天地

心門開邊月近戰苦陣雲深旦夕更樓上遙聞橫

笛音

潘岳詩修芒鬱宕堯注宕堯高也吳邁遠詩人馬風塵色易復其見天地之心乎蔡琰胡

笳胡風夜夜吹邊月史記天官書陣雲如立垣

此守睢陽登樓以窺敵之虛實聞其營笛聲而

興感因以聞笛命題言試登高以臨敵乃虜騎
 方屯聚於城之北也賊勢如此則當身犯風塵
 辨其氣色庶知上天降亂之意苟不辨風塵之
 色安知天地之心乎言當躬親其難也然國步
 危矣夫睢陽內地也今門開而近邊月苦戰而
 多陣雲聞旦夕笛聲而虜之憑陵可想能不深
 為之慮哉睢陽死義之士非以詩名而其詩亦
 壯讀之凜然

張均

岳陽晚景

舊唐書均為戶部侍郎坐累貶
 饒州刺史此詩蓋貶時所作

晚景寒鴉集秋風旅鴈歸水光浮日出

一作去非

霞彩

映江飛洲白蘆花吐園红柿葉稀長沙卑濕

三體作暑

地九月未成衣

庾信詩凄清臨晚景武帝辭秋風
 起白雲飛艸木黃落兮鴈南歸劉

孝綽詩洞庭春水綠衡陽旅鴈歸鮑至詩岸暗水
 光來詩日出有曜江總詩蘆花霜外白唐書慈恩
 寺貯柿葉數屋鄭虔日取書之史記賈誼傳賈生
 既謫居長沙長沙卑濕自以為壽不得長詩九月
 授衣

首以景紀時中因時敘景未嘆土俗之異也蓋

將晚而鴉集秋深而鴈歸日浮霞映將晚之景

也蘆白柿紅深秋之色也此時當授衣矣而衣
猶未成非南方多暑之故乎日沉波而返照勢
如浮出若作去字便淺

盧象

雜詩

家居五原上征戰是平生獨負山西勇誰當塞
下名死生遼海戰雨雪薊門行諸將封侯盡論
功獨不成

唐詩解卷之三十七

終

